

AURREKONTUAK. Eusko Jaurlaritzako oposizioako hiru taldeen osoko zuzenketak gainditzeko lehen urratsa egingo du gaur Jaurlaritzak, eztabaidaren eta bozketen prozesuak tramitea gainditzeko egokituko baititu Juan Maria Atutxak.

Osoko zuzenketa guztiak gaitzesteko bidea onetsiko du gaur Atutxak

EAJk, EAK eta EB-IUk eskatu dute Legebiltzarreko presidentek erabakitzeke eztabaidak eta bozketak



MIREN SAEZ

Eusko Legebiltzarreko bozeramaileen batzordea, atzo eguerdian eginiko bilkuran.

AURREKARIAK

Bozketa ezberdinak egin ziren 1985ean eta 86an

Aurrekontuak Gobernura itzultzea eskatzen duten osoko zuzenketak bozketa bakar batean ebatzea Legebiltzarreko ohitura bihurtu da. Urtero-urtero aurkeztu dira, eta batera bozkatu dira. Baina bada salbuespenik. 1985ean eta 1986an, Juan Jose Pujana Legebiltzarreko presidentek ebatzi zuen zuzenketa bakoitzak eztabaida eta bozketa bana merezi zuela, eta hala egin zen.

izango da, eta aurrekontuak Gobernuari itzultzeko oposizio-ko alderdien eskaera hiru aldiz aztertuko da; hala, zuzenketa bakoitzak bere bozketa izango du.

Bozketa bakarra egingo balitz —Batasunak, PPk eta PSE-EEk nahi zuten bezala— oposizioak irabazi egingo luke (39-36), baina hiru bozketa eginez hori ez da posible izango. Izan ere, oposizio-ko hiru alderdiek jakinarazi dute behin eta berriro bakoitzak bere zuzenketaren alde bozkatuko duela, eta besteekin bat egitea «kasualitatea» besterik ez dela izango. Hitzak benetakoak diren frogatu beharko dute ostiralean.

«Motibazio ezberdinak»

Jaurlaritzako alderdiek bozeramaileen batzordean jakinarazi zuten euren asmoa. Arrazoietan sartuta, argudiatu zuten Legebiltzarreko araudiak hala ahalbidetzen duela, eta, gainera, esan zuten hiru alderdiek «motibazio ezberdina» azaltzen dutela aurrekontuen itzultzea aldarrikatzeko.

Batasunak, PPk eta PSE-EEk argudio erabat ezberdinak agertu dituzte ondorio bera ateratzeko, eta aurrekontu proiektuaren itzultzea eskatzeko: lehenak dio egungo markoa kudeatzeko aurrekontuak direla, eta PPk eta PSE-EEk adierazi dute

EA-EAJk nahiago du aurrekontuak luzatzea UPN eta CDNren proiektua onartzea baino

Irene Arrizurieta | IRUÑA

Nafarroako 2002. urteko aurrekontu proiektuak «erabat aldatu» behar direla uste du EA-EAJk. Hori zaila ikusten duenez, aurtengo aurrekontuak luzatzea iradoki du.

UPNk eta CDNk adostu aurrekontu proiektua «atzera-koia eta euskararen aurka-koa» dela salatu du Begoña Errazti EA-EAJko Nafarroako legebiltzarkideak. Hori dela eta proiektuak «aldaketa sakona» behar duela esan du, eta «zuzenketa batzuekin» ez direla aldatzen ohartarazi du. Beraz, Parlamentuan aurrekontu proiektuaren eztabaida «zaila» izanen dela iragarri du. «Zuzenketa batzuekin ba-

karrik ez da aurrekontua aldatzen. Eztabaida zaila izanen da, Gobernuak ez duelako aldatzeko borondaterik azaldu», esan zuen Erraztik. Izan ere, aurrekontuok «iragan urtekoak baino nabarmen txarragoak» direla dio EA-EAJk: «Gizarte politikak ahazten ditu. Aurrekoen akats berdinak errepikatzen ditu, eta batzuk sakondu egiten ditu, gainera», esan zuen Erraztik. Hori aintzat hartuz, aurrekontuen luzapena eskatzea ez dela «demagogia egitea» uste du legebiltzarkideak. «Gutxiengoa duen gobernu bat behartuta dago onartuak izan daitezkeen aurrekontuak proposatzera, eta hori UPN eta CDNren erantzukizuna da».

Atzerakoiak izateaz gain, EA-EAJk salatu du ez direla gai egoera ekonomiko berriari aurre egiteko. «Egokiena inbertsio publikoa bultzatzea litzateke, baina kontrakoa egin dutela frogatu dugu, partida %11,28 jaitsi delako», ohartarazi zuen Erraztik. Ildo horretan salatu du hainbat sailetan —Gizarte Ongizatean, Etxebizitzan eta Herrilanean, besteak beste— «uler ezin daitezkeen jaitsierak» egin dituela Gobernuak.

Halaber, hizkuntza politikarako partidetan UPNk egin dako «murrizketa orokorrak larriak» direla gaitzetsi du: «Hizkuntza etsai eta Nafarroatik desagerrarazi beharreko zerbait bezala du UPNk».

Felix Iriarte | GASTEIZ

EAJk, EAK eta EB-IUk zorrotz aztertu dute Gasteizko Legebiltzarreko araudia, aurrekontu proiektuaren eztabaida dela kausa, eta azkenean eman dute oposizioaren asmoa zapuzteko formularekin: osoko bilkuraren eztabaidak eta bozketak antolatzea Legebiltzarreko presidentaren erabakia da, ez Mahaia-rena edo bozeramaileen batzordearena, eta hark erabaki dezake guztia. Hori dio Legebiltzarreko araudiaren 124. artikularen 9. atalak, eta horri heldu diote, Batasunak, PPk eta PSE-EEk aurkeztu dituzten osoko zuzenketek aurrera egin ez dezaten.

Ostiraleko eztabaidari eta bozketei buruzko erabakia gaur jakinaraziko du Juan Maria Atutxa Legebiltzarreko lehendakariak; hala ere, erabakia Jaurlaritzako alderdien aldekoa